

Dzhadiya ando Kyustendili¹¹²

Pash amende i Dzhadiya kane ulem tsikne chhave ulo zhaardo romano dives.

Kerel pes ko anglaluno kurko ando yanuari. Ko 5 yanuari aryat e roma zhanas peske khere pash pe familijate. Uthe ulo len but akhora thay lelas pes ekh akhor, pala harovelas pes lesa andi snaga. Pala e akhora kay kerde lentsa i traditsiya chhivemas pes ko drom, te han len e balichhe. Chokka e roma pakyovenas kay na astarela len ger. Savore roma twrkalenas pes akhorentsa sastipnaske thay zoralipnaske sar o akhor. Pala kerelas pes marikli stotnkasa. Kay i marikli achhoyovelas o nay-phuro rom phagelas la. Nay-bahtalo manus ando dzadiyakoro dives ulo kay perelas leske i para. Leskoro kasmeti ulo kasmeti li akalenge ki familiya. I marikli phagelas pes nay-phure manushestar nay-anglal mashkare thay epash latar vakyarela pes e adevleske. Pala delas pes savorenge, e ternenge nay-palal, kay na bistrenas pes li e hayvanya.

Ki Dzhadiya kerenas pes samo postno habipe – marikli, hoshavi, bobos, orizi. Khidelas pes sasti familiya, hanas, praznuvinenas thay ando kher na mukhenas pes aver manusha zhi yavinatar. Predvaritelno sekova rom ulo ki banya, uryavdo neve sheyantsa. Kon na kerel chokka e phure roma vakyarenas kay ka astarel ger thay sasto besh ka phirel melalo, bibahtalo.

Li kava romano bibutyarno dives akana lilyan te bistras les.



¹¹² **Sofika.** Byandi 1936 b. ando Radomir. Prandeme sit hay zhivinela ando Dupnitsa. Pes zhanela sar myusyulmansko romni. Pe khereste e obryadya kerela myusyulmanikanes. Akana zhala andi baptisko khangeri. Bililavni. Kerdyas buti ko poli, dikhlyas tyutyuni. Pensionirime si. Day si panch chhvenge thay deshutrin unukes.